



საჯარო სამართლის იურიდიული პირი

საქართველოს ინტელექტუალური საკუთრების ეროვნული ცენტრი საქპატენტი

ქ. მცხეთა

"28" 05 2013 წ.

ბ რ ძ ა ნ ე ბ ა № 464/03

სასაქონლო ნიშანზე სასაზღვრო ღონისძიებების განხორციელების შესახებ მოთხოვნის რეგისტრაციის თაობაზე

2013 წლის 19 აპრილის N 71975/03 განაცხადით შპს „ივერია ოილ ინტერნეიშენალ“-ის (მის: ნონეშვილის ქ. 65, ბათუმი, საქართველო) დირექტორმა თეიმურაზ ნარიმანიძემ მოითხოვა სასაქონლო ნიშანზე „იბერია“ (რეგ. N 23709) სასაზღვრო ღონისძიებების განხორციელების შესახებ მოთხოვნის ორი წლის ვადით სასაზღვრო ღონისძიებების განხორციელების შესახებ მოთხოვნათა რეესტრში რეგისტრაცია. სასაქონლო ნიშანი „იბერია“ (რეგ. N 23709) საქართველოში რეგისტრირებულია 28.05.2013 წელს და მისი მოქმედების ვადა განისაზღვრება 28.05.2023 წლამდე. სასაქონლო ნიშანი რეგისტრირებულია 29-ე კლასის საქონლის ჩამონათვალის მიმართ. არსებული გარემოებების შესწავლის შედეგად და „საქართველოს ზოგადი ადმინისტრაციული კოდექსის“ 52-ე მუხლის, „ინტელექტუალურ საკუთრებასთან დაკავშირებულ სასაზღვრო ღონისძიებათა შესახებ“ საქართველოს კანონის მე-4 მუხლის, „საჯარო სამართლის იურიდიული პირის - საქართველოს ინტელექტუალური საკუთრების ეროვნული ცენტრის - „საქპატენტის“ დებულების დამტკიცების შესახებ“ საქართველოს მთავრობის 2010 წლის 3 ივლისის N181 დადგენილებით დამტკიცებული დებულების მე-6 მუხლის მე-2 პუნქტის „დ“ ქვეპუნქტისა და მე-3 პუნქტის საფუძველზე

ვ ბ რ ძ ა ნ ე ბ ა:

1. სასაქონლო ნიშანზე „იბერია“ (რეგ. N 23709) დარეგისტრირდეს სასაზღვრო ღონისძიებების განხორციელების შესახებ მოთხოვნა სასაზღვრო ღონისძიებების განხორციელების შესახებ მოთხოვნათა რეესტრში ორი წლის ვადით (მოთხოვნის რეგისტრაციის N 254, მოთხოვნის რეგისტრაციის თარიღი 28.05.2013).

2. ეს ბრძანება შეიძლება გასაჩივრდეს საქპატენტთან არსებულ სააპელაციო პალატაში კანონით დადგენილი წესით სამი თვის ვადაში ან მცხეთის რაიონული სასამართლოს ადმინისტრაციულ საქმეთა კოლეგიაში (მისამართი: მცხეთა, სამხედროს N 17) ერთი თვის ვადაში.

თავმჯდომარის მოვალეობის შემსრულებელი



ეკატერინე ეგუტია

ეგზავნება: საქართველოს ფინანსთა სამინისტროს შემოსავლების სამსახურის საბაჟო დეპარტამენტს; შპს „ივერია ოილ ინტერნეიშენალ“-ის დირექტორს თეიმურაზ ნარიმანიძეს (მის: ნონეშვილის ქ. 65, ბათუმი, საქართველო).

საქართველოს ინტელექტუალური საკუთრების ეროვნული ცენტრი „საქპატენტი“

ინფორმაცია სასაქონლო ნიშნის შესახებ:



ნიშანი:

რეგისტრაციის N: 23709

მფლობელი: შპს „ივერია ოილ ინტერნეიშენალ“

მისამართი: ნონეშვილის ქ. 65, 6000, ბათუმი, საქართველო

კლას(ებ)ი:

29 - მზესუმზირის რაფინირებული და არარაფინირებული ზეთი და სხვა მცენარეული ზეთები.